

905 193

3198 II

GREKA

Homer

*Quæ res faustè, feliciter, prosperè
eveniat!*

EX LIBRO IV. ILIA-
ADOS HOMERICÆ

Disfertiunculas Latinas profas
recitandas;

&

*Germanicos versus variorum generum
per personas,*

in

Panegyri Elifabetanâ

XXIII. Maij An. Chr. clj. lxx. XLVII.

repræsentandos,

indicit

M. ELIAS MAJOR, RECTOR.

Vratislaviæ, Typis Georgi Baumannii.



LECTORI S. P. D.



Simulq; Observantiam, Amorem,
& officia offero.

Cum duo sint in primis, quæ & poëtas, & cæteros
melioris notæ Auctores, commendent, verborum
totiusq; dicendi rationis probitas atq; ornatus; &
rerum sub illo vocum sermonisq; cortice quæsi latentium,
varietas, & præstantia: aput doctos quidem & Eruditos
homines nulla relinquitur dubitatio, quin utroq; nomine
Homerus laudem propè incomparabilem sit promeritus.
De verbis enim, Gratioſo illo amabiliq; ſcriptore Maximo
Tyrio (a) iudice, καὶ μὲν γὰρ τὰ Ομήρου ἔστιν, καὶ ἑωὺν τὰ καλ-
a. sermo. ne γ. λιστα καὶ φανώτατα, καὶ ἀδελφὸς μέσταις ἡγεῖται. hoc est, inter-
prete longè dignissimo Dan. Heinsio: pulcra sunt fateor
Homeri poëmata, longèq; omnium pulcerrima, ma-
ximeq; illustria, & revera digna quæ à Musis canan-
tur. Quo Encomio paucis constante vocibus, si quis
prolixius desiderat; consummatissimum Rhetorem, Censo-
remq; gravissimum Fabium Quintilianum audiat. Is
b. cap. 1. de Homero ita libro Institutionū Oratoriarū decimo: (b)
Hic (quæadmodum ex Oceano dicit ipse, arnium,
vim fontiumq; cursus initium capere) omnibus Elo-
quentiæ partibus exemplum & ortum dedit. Hunc
nemo in magnis sublimitate, in parvis proprietate su-
peraverit. Idem latus ac pressus, jucundus & gra-
vis,

905 193

vis, tùm copiâ, tùm brevitate mirabili; nec poëtica
modò, sed oratoriâ virtute eminentissimus. *Et*
post nonnulla: Quid? in verbis, sententiis, figuris,
dispositione totius operis, nonne humani ingenii
modum excedit? Ut magni Viri sit virtutes ejus non
æmulatione (quod fieri non potest) sed intellectu se-
qui. *Quam ipsam excellentiam suspiciens Priscianus,*
præfatione syntagmatis sui Grammatici non dubitavit
scribere, Homerum, unâ cum Virgilio, arcem posse-
disse Musicæ. Vitruvius (c) verò, omnis philolo- c. lib. 7.
giæ ducem: & Cl. Barthius, (d) Heliconis princi- d. Tom.
pem nominarunt. *Sed res ipsas tam seito floridoq; sti-* l. 1. ad vers.
lo descriptas, si intueamur penitus, tantam doctrinæ sa- L. 17. c. 4.
pientiæq; copiam & ubertatem offendemus, ut omnium se-
culorum homines doctissimi prudentissimiq; tantum Eru-
ditionis fontem satis non potuerint demirari. *Quod nisi*
ita esset, ut aliorum præteream ellogia, Plato (e) certè e- c. In Io-
um haut quaquam nominasset τὸν ἀριστὸν καὶ θεϊστῶν καὶ σ- nis prin-
φώτατον τῶν ἀνθρώπων. *Ut jam facillimè liceat intelligere, pro-* cip. & al.
pter alia potius omnia, quàm ignominie causa fecisse Phi- 2.
losophorum illum Coryphæum, ut tantis à se ornatum
laudibus poëtam, occlusis suæ civitatis portis, vellet es-
se, ut cum Plauto (f) dicam, exclusissimum. Nam. Me-
ut verbis ἢ διακυσσολάτῃ Isaaci Casauboni (g) dicam: næch. 4.
Plato Homerum è Repub. suâ unguentis delibutum 3. 24.
emittit, non contumeliæ causa, sed quasi testatus eo g. Exerc.
facto, majorem se illum agnoscere, quàm ut locum 4. in An.
civis in suâ Repub. obtineret. *Quapropter nec sum-* Baron.
mi cap. 12.

mi alioquin & accuratissimi judicii Julius Cæs. Scaliger, cui ubiq; propemodum ad Maronem, tantum non sor-
det bonus Homerus, suâ nos commovere poterit eruditio-
ne aut dignitate, ut magnificè de illo sentire desinamus.
Primum enim si auctoritatibus pugnatur, censuram tot-
seculorum multò honorificentissimam, infinitis partibus
preferendum erit, unius quantumlibet solertis atq; inge-
niosi hominis calculo. Deinde non satis videtur verum
esse, cujus tu inventa superes imitando, eum hoc nomine
floccifacere. Porro ne aliunde innocenti quaramus pa-
trocinium, ipse Virgilius suo, ut sic dicam, Homerum
tutabitur clypeo. Hunc enim ille tam studiosè est imita-
tus, ut aut nihil planè, aut non tam bona excogitare posse
sibi ipse sit visus. Quam causam (pace Gloriosissimi
Imp. Justiniani (h) ita mihi liceat loqui) cum jam pri-
dem cognitionalitèr examinaverit, & velut partibus
cominus constitutis sententiam gravissimam, atq; ut
arbitror, æqvissimam, dixerit, quæ ut paulo ante, ita
nunc quoq; honoris & observantiæ causa nomino, Cæs.
Barthius: (i) opera præcium sit hic quoq; eam repetere.
Virgilius igitur, inquit ille, si non alio, in eo certè
modo, Homero inferior est, quod non tam suum-
limatissimum, & prorsus incomparabile judicium,
quàm exemplum hujus seqvi voluit, perspicuens vi-
delicet, quicquid post Homerum inveniri in Poëta
posset, jam non publicum, sed ab eodem occupatum
esse adeoq; sapientèr conditum & velut seclusum à
communi mortalitatis usu, ut non nisi summo artifi-
cio

h. l. ii. C.
de LL. &
Const.
Princ.

i. Tom. i.
Adv. L.
47. C. 22.

cio inde peti quippiam possit. Quo sensu adeo se-
se imitationi tanti viri tradidit, ut quæ accusari etiam
bono colore valebant, ita expresserit, ut ea etiam i-
psa vituperio invidorum hominum exemerit. Ec-
hæc Virgiliana imitatio adeo mihi omni compara-
tioni Homerum eximere videtur, ut illum ipsum
Scaligerum uno perpetuo errore totos suos illos divi-
nos de Poëtica Commentarios attaminasse sæpius di-
xerim, dum Virgilium Homero opponere, aut etiam
præferre molitur. Nihil enim aliud agit ista moli-
tio, nisi quod in summâ peritiâ summam ostendit
imperitiâ; non videns aut attendens minimè con-
vellere Homerum ex usu esse Virgilium laudantis;
sed ita in hoc latino agnoscere demum posse perfectio-
nem, si perfectiorem etiam quàm vel perfectissima
esse possit, in fonte, doctore, magistro, modimpera-
tore, unicoque omnis Poëseos Apolline contemplare.
Fieri enim non potest, ut, quem expresserit totâ ope-
ris tam incomparabilis figurâ, singulisque & descripti-
onibus & sententiis, & numeris, & quoad ejus fieri
potuit, etiam locutionibus, verbis syllabisque & tan-
tum non quandoque ipsis litteris, [quæ omnia accura-
tè alibi demonstraturi fortasse sumus] ex ejus con-
tentu aut vituperio crescat Virgilius. Atque hæc bo-
na pars est Scaligerianæ intentionis, ne singula ex-
cutias. *Verum ut ad id, cujus causa hæc præfati sumus,
revertamur, cum hætenus aliquandiu in libro Iliados
Homericæ quarto Juventuti litterariæ inculcando ver-*

sati sumus, & inter ceteras spartæ nostræ scholicæ operas,
adhuc versemur; rectè nos atq; ordine facturos esse duxi-
mus, si ad duo illa generalissima verborum atq; Rerum
capita, quicquid fuit, atq; est nostrarum meditationum
lib. 2. de referremus. Itaq; quod (k) M. Tullius alicubi dicit, ut nutri-
Orat. ces infantibus pueris omnes tenuissimas particulas at-
que omnia minima manfa in os inferunt; nec puduit nos,
nec piguit in singulis panè vocibus atq; phrasibus declaran-
dis, intimare species, numeros, casus, modos, tempora,
ceteraq; ex Grammaticorum penu deprompta, non illa
quidem tantum præ sese splendoris ferentia, quantum
fructus atq; emolumenti occultantia. Neq; tamen sic satisfac-
cis se vel meo officio, vel adolescentiæ commodo visus sum.
Et ob oculos quoque versabantur, non in mentem tantum e-
rant verba iusto fortasse severiora gravissimi viri Dan.
Heinsii, qui oratione Pythiis Pindari promissa, Dii e-
os atq; homines, inquit, perdant, qui ex auro tam
præstanti, pelvim primi aut matulam fecerunt: qui
ne pueri in scholis nescirent, cuius temporis aut mo-
di sit vox aliqua, modum omnem intemperantiæ ac
vanitatis egressi sunt: tempus vero, cuius sacrosan-
cta est possessio, nihil agendo perdiderunt. Nam
dum his intentus noster animus, folia arborum secta-
tur, aut umbram, ipsi nobis fructus intercipiuntur.
Quid multis? Earum quoque rerum ad pietatem, naturam,
mores, familiam, civitatem, pertinentium, quæ passim
in eo libro vel manifesto traditæ, vel tacite allusæ occurre-
bant, habita fuit ratio. Quamquam paucis; & sæpe non
nisi

nisi indice digito. Cujus instituti documenta quædam, exigua illa, hoc in tempore edere placuit, quo in Panegyri scholasticâ solemniori, adolescentes & pueri in theatrum producendi fuerunt.

Adolescentum primò humeris, quæ vale onus sit impositum, ut pateat; in ipso percurrendi libri vestibulo, in mentem venit, superstitionis cujusdam, risu quidem dubium, an detestatione dignioris: quæ tamen exercitationi nec vituperande, & egregiè utibili facultatem dedit & materiam. Res, ut paulò altius ordiamur, ita habet. Irrepserè in nobilissimam eandem, eandemq; saluberrimam Medicorum artem, superstitiosa nonnulla: quæ talia num celebratissimus ille naturæ Secretarius Plinius crediderit, dicere vix habeo: certè recensuit. Jecinore muris dato porcis in fico, sequi dantem id animal: in homine quoq; similiter valere; sed resolvi cyatho potò. Cor caninum habentem fugere canes: non latrare verò lingvâ caninâ in calceamento subditâ pollici. Ciconiæ pullum qui ederit, annis continuis non lip-pitutum: item qui draconis caput habeat. Lacrumantibus oculis mederi aranei muscarii telam, & præcipuè speluncam ipsam impositam fronti ad duo tempora, ita, ut à puero impube & capiatur & imponatur: nec is triduo se ostendat ei, cui medeatur; neve alter tuler nudis pedibus terram attingat his diebus: quæ omnia libro undetrigesimo (l) Historiæ naturalis. capp. legere est. Singularis verò species quædam superstitionis 4. 5. & 6. hujusmodi illa est, quæ creditum est antiquitus, aut etiam fortè

fortè adhuc creditur, libros quosdam sacros ne-sacros,
 aut etiam ex iis versiculos quosdam scriptos, recitados,
 appensos, cervicali suppositos, certis morbis aut incommo-
 m. Traſt. dis aliis mederi. (m) S. Augustini tempore, quibus ca-
 7. in Joh. put dolebat, ad caput Evangelium posuere. Geminis
 n. Homi pestibus a verruncandis B. Chrysostomi (n) ævo, Evan-
 1. 73. oper gelia scripta vel è collo, vel juxta lectos appendebantur.
 imperf. Salomon Gesnerus in vers. 11. cap. 43. Genes. qui versi-
 & Homi 1. 43. in 1. culus de muneribus agit à Jacobo mittendis Principi Ægy-
 Corint. ptiorum, Mitto, inquit, Rabbiorum nugas qui de
 hoc versiculo commenti sunt, esse illum amuletum,
 adversus bellum, & alia quævis pericula: ita ut si quis
 locum peste infectum, aut aliis periculis obnoxium
 ingrediatur, & istum versiculum rer pronunciet, pla-
 nè immunis evadat. M. Servilius Nonianus Princeps
 o. lib. 22. civitatis, iterum commemorante Plinio, (o) non pri-
 cap. 2. dem in metu lippitudinis, priusquam eam ipsam no-
 minaret, aliusve ei prædiceret, duabus litteris Græcis
 P. & A. chartam inscriptam circumligatam lino,
 subnectebat collo. Tale igitur & in Homeri versus
 aut libros expetiit. Versus quintus & nonagesimus lib. β
 Iliad. hanc habere vim creditus est, ut pronunciatus dolo-
 res artuum & podagra levet. Hoc vero quarto Iliados
 libro, olim ridiculè putabant, si capiti esset suppositus fe-
 brem quartanam arceri. Ut superstitionem hanc, quan-
 ta quanta est, quæ certè levissima est & vanissima, me-
 ritis summo ejusdem & ridemus & vituperamus, & quan-
 tum in nobis est, damnamus: ita si quidem librorum Ho-
 meri.

mericorum suppositio ulla probanda est, cum approbamus, quâ Alexandrum illum non magis nomine quam virtute Fortunæ Magnum usum esse accepimus. Hic enim non eâ fini eoque consilio, suo quiescentis capiti Meoniorum carminum substernebat volumen, ut febrim illam, quæ eruditissimo poetarum sæculi Friderico Taubmanno: (n)

n. Schediasm. p.

Filia Saturni, & furiis tribus addita **QUARTA**, 417.

Et stygiis alita est, & phlegethontis aquis;

Sibi defenderet: sed cum Homero, quem summum virtutis præconē, & poetam βασιλικόν appellare consuevit, (o) cuius carmina, non ad citharam, ut aliorum, sed ad tubam potius canenda esse censebat, præter modum delectaretur, cum interdum illum ad verbum edidicit, tum noctu etiam dormiens cervicali suppositum habebat: capropter nimium teste Juliano Imp. (p) in Epistolis, ὡς δὴ ἔνυκτα καὶ μεθ' ἡμέραν αὐτῷ τοῖς πολεμικοῖς ὁμιλῇ συνθημαίνου, ut noctes & dies in bellicis ejus libris verfaretur. O laudabilis (exclamare enim libet) o per quam fructuosa scriptorum substratio Homericorum! quam non vanitas peperit, sed prudentia; non superstitionis amor, sed Eruditionis cupiditas stimulavit: quâ non corporis morbi depellendi, sed animi incolumitas conservanda fuerat. Quod Alexandri Exemplum cum & Regi ipsi sit gloriosissimum. & aliis certâ ratione imitandum Principibus: primam hinc dissertationem de Principibus librorum & litterarum amatoribus & patronis nasci volumus.

o. Erasmi. lib. 8. Apoph.

p. Epist. ad Maximū Philosophū.

I.

Porro cum Homerus initio hujus quarti libri co-

B

mi-

mitia Deorum in palatio Jovis celebrata describat, in quibus illi, deliberato, quid hanc rerum facie in posterum videatur facitandum, bellum nè persequendum, an pax componenda; tandem everisionem urbis gentisque Trojanae decernunt: indubiè bellorum causam principem, quatenus quidem illa sub pene ratione considerantur, in caelis potius quam in terris querendam esse. Id quod clarius adhuc innuit v. 84. Jovem ἀνθρώπων ἱαμίνης πολέμοιο, quaestorem seu dispensatorem belli hominum esse asserens. Qua in re ita poeta nostro astipulatus est Justus Lipsius, ut totum versum nostro etiam vero atque uni Deo accommodaverit,

q. Cent. cum ita ad Hermannum Comitem à Manderfcheit scriberet: (q) O quam mecum omnes boni pacem vovent! vovent, sed, ne mentiar, spe frigida, cum aut illa, aut nostra vident, parum vel inclinata, vel allicientia ad quietem. Sed mutare hæc potest supremus ille

II. Ζεὺς, ὅς τ' ἀνθρώπων ἱαμίνης πολέμοιο τέτυκται. Mutet, mutet! Hinc secundæ disertatiunculæ materia, Bella non sine providentiâ Dei geri. Ut simul verè esse πόλεμόν τε κακὸν καὶ Φύλοπιν αἰνῶ; bellum malum vel perniciosum præliumque grave, aut horribile, ut poeta versus quindecimo nominavit, paucis declarabitur.

Sed in eâ ipsâ Oratione, quâ Jupiter finem belli, Troia. Job. 26jæ excidium decernit, Pöeta eum νεφεληγερέτω nuncupat. 8. & 36. Quod nomen Latine Nubium coactorem, vel unâ forsit voce, Nubicogum, efferre possis. Sanè ab hac nubifal. 135. um cogendarum potestate sacra etiam oracula (r) DEUM opt.

opt. max. describunt, in primis apud plurimum rerum naturalium admirandum descriptorem Jobum, & in aureo Davidicorum Hymnorum syntagmate. Aliam etiam tituli hujus causam exponens idem Lipsius; (r) Caligo ^{f. Cent. 6. Epist. 39.} inquit, mentis humanæ, in nullâ re magis, quàm publicâ apparet: sive quia Principes ipsi, & eorum consilia recondita, tecta, sive quia fata, & illa implexarum series, semper in obscuro. Homerus & prisci Jovem in nubibus habitantem ^{κελαινεφῶν, νεφεληγε-} ^{t. atrinubum, nubicogum} ^{ἐέρτω (t)} appellant: ab hac ipsâ causâ quâ decreta & consilia ejus obscura, nec pervia humanæ menti. Hinc tertia disertatiuncula, *primum quidem* de rebus ^{111.} divinis multum, ut Cato Uticensis (u) dixit, caliginis habentibus, *tum verò* de consiliis principum ^{u. Lips. Const. 2. 15.} ager, sæpe ita arcanis tectisq; ut non defuerint, qui, si consiliorum suorum interiores tunicas conscias sentirent, continuo eas cremari juberent. (x) ^{x. Valer. Max. 7. 4. Fung. lib. 10 Comm. ad A. C. 1282.}

In Comitibus illis, quæ dixi, Cælestibus, cum Jupiter primus suam diceret sententiam, censebat, urbem Trojæ servandam, Helenamq; Menelao reddendam. Sed ei non sine indignatione amarissimâ resistens Juno, Priamum cum filiis perdendos affirmat. Jupiter igitur conjugis iracundiæ aut furori potius cedens, Trojani nominis eversionem permittit, hoc ideo se facere asserens ^{37.} ne ex jurgio hoc in posterum maxima simultas oboriatur. Hinc ^{IV.} quarta disertatiuncula de Concordia Conjugali, jurgiis non turbandâ, ager. Bene de hac ex Plutarchi præceptis Connubialibus Fr. Taubmanus: (y) ^{y. Sched. pag. 253.}

Majorum cana vetustas

Junoni si quando Jugæ mactabat honores,
Evulsum pecudi fel projiciebat ab arâ:
Sic bilis, sic ira procul, sic jurgia cedant,
Mutua legitimi faciunt tibi sacra mariti.

Verum non à conjugibus solum, sed si fieri possit, ab hominibus univ.ersis omnibus lites contentionesq; removenda sunt. Et quod Juno hic suo Jovi, versu 62. id oborto fribusculo

2. Erasmi *quocunq; alter debebat dicere alteri:*

Adag. 3.

8. 19.

a. Cent.

Epist. 78.

Quin magis alteri in his rebus cedamus uterq; , (2)
Tu mihi, contra ego deinde tibi.

Ex Lipsio (a) hic votum monitumq; Rudolphi Primi Austriaci audiamus. Cui cum lites plures cum pluribus essent, una atq; altera gravis cum Abbate Sancti Galli, tunc potente: accessit ultro, & invocatus ad ejus convivium. mirante illo atq;ve aliis (nam & inimicitiae, ut solent, ex lite ortæ erant) ipse constanter perfedit, & fine convivii cum Abbate seorsim locutus transiit, & pacem cum eo pepigit: ita fidam, ut Abbas postea auxilio etiã ei in bellis fuerit, quæ minuta (nam comes adhuc erat) cum vicinis habebat. Sed vox ejus abeuntis excepta à familiaribus est, totidem his verbis: (Quicunq; tres lites habet, duas, si possit, componat: hoc est meum consilium.) Et herculè, meum, ô Rudolphe; sed hoc ampliùs, etiam tertiam ut nullum caput huic Cerbero superfit. Hinc campus de Litium fuga dicendi quintæ apertus disertatiunculæ.

V.

Tum alibi passim in sua pœsi, tum in nostri libri v. 69. Homerus verba alata seu voluctiã περιεγραφα nominat. Rectè. Facile enim avolant, at revolare nesciunt. Quamvis etiam λόγοι ἀπτεροί sint, verba sine pennis, (β)

quæ

quæ premit apud se, qui audit, nec finit ad alios a vola-
re. Cui quidem rei pluribus exponenda sexta occupata,
erit disertatiuncula.

B. Erasmi.
Adag. 3.
1. 18.
VI.

Fusserat Jupiter Minervam cælo delabi, operam cla-
tum, ut Trojani, læsis Græcis, fœdus dirumperent. Di-
ctum factum, Hinc versu 75. & seqq. descriptionem le-
gere est, non tam Cometæ, seu stellæ crinitæ, quàm stellæ
cadentis, & longâ, ut Seneca Tragicus (γ) loquitur,
Flammâ semitam trahentis, cui Pallas illa comparatur,
cælo præcipitans. Convenientia utriusq. est in motu re-
pentino, & propè momentaneo. Stella verò cadens me-
teorum hoc, non est, sed dicitur saltim. Illud enim ait Se-
neca stultissimum est existimare, aut stellas decide-
re, aut transilire, aut aliquid illis auferri & abradi.
Nam si hoc fuisset, jam defuissent. Sed ut proinde sit,
siue comatum, siue volaticum sidus descriptum hoc loco i-
verit Homerus: non magis consideratione, quàm laude
dignum est, quod meteori causam nõ secundariam aliquam
finitam; sed primariam infinitam, Deum, inquam, alle-
gat. Et si enim in Jove Saturnio nominando errat: id ta-
men rectè vidit, sublimium illarum rerum causam in su-
blimiore quodam principio, quàm natura condita est, in-
quirendam esse. Sed quicquid sit; profuerit tamen in hoc
genere, non magis humana sapientiæ, sæpenumero defe-
ctæ, quàm indeficienti abysso (δ) divinisimarum scriptu-
rarum auscultare, & nebulas, & nubes, & pluvias,
& iridem, & ventos, & grandinem, & tonitru, u-
ni præpotenti cælorum Numini assignantium. Atq. in hoc

γ
Troad. v.
358.

δ
Amos. 4.
12. & 13.
Psal. 147.
8. Iere. 14.
22. Gen. 9.
13. Hagg.
2. 18. Iob.

DEI 17 2.

VII. *DEI jure vindicādo septima versabitur disertatiūcula.*

Verum tempestas & illa fuit, cum à Pandaro Trojano Mycenarum Rex Menelaus vulneraretur. Actum jam erat de vitā, si dii obliti fuissent Principis. Sed obli-

Eras. A.

dag. 3. 8. mō

20.

— non secus atq; genitrix

Muscā arcet puero somno officiosa cubanti: (ε) Sic Minerva, Pandari sagittā arcuit, ab interiori corpore Menelai, cutem duntaxat ejus passa stringi. Pingatur hæc historia; inscribi equevidem jussero: Est princeps

VIII. *magni maxima cura DEI. atq; hoc argumentum erit Octavæ disertatiunculæ.*

Et verè & suaviter de fraternā charitate ex Psalmo

133. *Philomela Germaniæ (?) cecinit:*

In Epi-
gram.

*Et dulce & firmum est fraterni sædus amoris;
Cordibus hanc sꝑꝑylw indidit ipse Deus.*

Hujus illustrissimum exemplum est admirabilis pietas Agamemnonis, adversus Germanum Menelaum, versu 155. seq. de quo ager nona disertatiuncula.

IX.

Insignes duas sententias de perjurii mendaciq; pœna hic est legere: alteram v. 160. seq. Qvod si continuo Deus haur perjurā plectit,

Attamen id tandem faciet, qvo maxima pœna

In caput auctoris, sociam, natosq; redundet. (η)

VVilh. alteram v. 235. interprete Casaubono Epistola ad Frontonem Ducem (θ)

Godole- *Qvi fidunt falsis, nunquam his Deus auxiliatur.*

væus No *Utraq; materia propter cognationem conjungetur in disertatiunculā decimā.*

tis in Liv. *Arcesitas Menelao suppetias venit Machaon, Esculapii filius, Podalirii fra-*

pag. 162. *ter, Apollinis nepos; qvi omnes medicinæ florere laudibus: vers. 193. seq. De*

θ *vetustis hisce medicinæ auctoribus, cum ejusdem laude, nonnihil unde-*

pag. 47. *cima tractabit disertatiuncula.*

X.

Deniq; cum summus Græcanicarum copiarum Dux Agamemnon cohortes suas pedes obiret; currus eum sequebatur, qvo uti posset, si labore tam multis imperandi delasaretur: versu 230. Innuitur, sine controversiā Communis,

ut

ut vocant, locus, de laboribus, oneribus, molestiis, magistratus: cujus argumen-
ti tractatio duodecimæ atq; in præsens ultimæ relicta est disertatiunculæ.

XII.

Atq; hoc pensum ab Adolescentibus duodecim Latino, eoque, ut Græci no-
nt, pedestri sermone accurandum fuerit. Quibus accedent, aut potius inse-
octo pueri, ex libri HomERICI exactè dimidiati parte priore, Orati-
ulas Jovis, Junonis, Militis cujusdam, Minervæ, Agamemnonis,
Nelai, Talthybii præconis, & Idomenei Cretensium copiarum du-
planè diversis carminum Germanicorum generibus recitaturi. Quorum ut
amati juvando sit, & quasi animando Exegeta quidam, unus ex superiorum ado-
lescentum grege, Homeri personam sustinebit. Nomina omnia exercentium,
succedanea exhibebit series.

Cæterum, in omnibus peractis, quoniam iterum Nobilissimo, Strenuo
Sapientissimoq; Senatui Inclutissimæ hujus Vratislaviæ, magnificæ suæ
munificentia declarare placet, quantopere litterariæ juventutis studiis faveat:
Splendidissimo Ejusdem nomine ARGENTEA PRÆMIA DILIGEN-
TIÆ ornandæ pariter atq; exstimulandæ, mihi, σὺν Θεῷ, distribuenda erunt.
Quod etsi hanc quaquam elingvis facturus sum; tanta tamen erit oratio, ut me-
tuendum non fuerit, ne Auditores copiam pertæsi clament: Ohe jam satis est.

Quod superest, quandoquidem instituti hujus nostri universi prora atq; pup-
pibus, secundum Clementissimæ, Potentissimæq; Numinis benignitatem,
in vestra & Honorificentissimæ præsentia, & Benevolentissimæ atten-
tione constituta est, Viri Magnifici, Strenui, Admodum Reverendi,
Nobilissimi, Excellentissimi, Clarissimi, Ornatissimi, Doctissimiq; ;
majorem in modum à vobis peto, & contendo, ut, quod commodo vestro fiat, die
crastini horis ab octavâ matutinis in supremo Gymnasii Elisabetani Musæo conve-
niatis, dicturosq; vestra illâ prothymia juvetis pariter atq; ornetis: operam datu-
ros pro virili, ut pro re natâ Patronis observantem & morigerum, Amicis pran-
sum & paratum, omnibus gratum declarent animum. Interea omnes Vos & u-
niversos Divinæ Majestatis faventiæ commendatos volo, quæ tunc cæteris be-
nefactis florentes vos faciat, tum exoptatissimum illud εὐαλμα Pacis Orbi Chri-
stiano tandem tandem post tot vota suspiriaq; restituat. Outinam brevi ex Chri-
stianissimo Poeta Prudentio liceat canere!

Cornicinum curva æra silent, placabilis implet

Vaginam gladius, sedato & pulvere campi

Suda redit facies, liqvidæ sine nube diei,

Purpuream videas cœli clarescere lucem.

P. P. Vratislaviæ, a. d. XI. Cal. Iunias, An. Christ. cdo. lcc. XLVII.

Series

Series & Ordo Dicturorum & Dicendorum.

<i>Christianus Földet Vratisl.</i>	} <i>Sermone Latino pedestri disferent de</i>	<i>Principibus litteratis.</i>
<i>Daniel Franc Vratisl.</i>		<i>Providentiâ divinâ in bellis.</i>
<i>Christianus Titius Jauranus.</i>		<i>Principum consiliis absconditis.</i>
<i>Johannes Seydel Laubanus.</i>		<i>Concordia conjugali jurgis non tur-</i>
<i>Carolus Ortlob Olsnensis.</i>		<i>Litium fuga. (banda.)</i>
<i>Christophorus Prosius Landishutt.</i>		<i>Verbis alatis seu volucris.</i>

Idem Carolus Ortlob.

Johan. Joachimus ab Haumold.

Christophorus Albertus Vratislaviensis.

Johannes Bartsch Vratislaviensis.

Christophorus Freywald Vratislaviensis.

Johan. Daniel Major Vratislaviensis.

Johan Christophorus Rretschmar Vratisl.

Michaël Döring Vratislav.

Carolus Henricus Blacha à Lub.



Carmine Germanico representabant personam.

(Homeri.
Jovis.
Junonis.
Militis cujusdam.
Minerva.
Agamemnonis.
Menelai.
Talithybi.
Idomenei.

Christophorus Blümelius Bulcoluc.

Andreas Giesner Vratislav.

Fridericus Ortlob Olsnensis.

Balthasar Copisius Reichenbach.

Fridericus Bognad Vratislav.

Zacharias Kampusch Vratislav.

Sermone Latino pedestri disferent de

(Meteororum causâ DEO.
Curâ DEI de Principibus.
Amore fraterno.
Divinâ perjurii & mendacii pœnâ.
Laudē & priscis auctoribus Medicina.
Difficillimo onere magistratus.



